



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel
Francofurti Ad Moenum, 1690**

Caput IX. (a) Idem Abbatib. S. Cadmundi, & de Remescia.

[urn:nbn:de:hbz:466:1-74533](#)

C A P U T VIII.

Idem (a) Vigiliensi Episcopo.

(b) **S**PONSAM autem alterius, si (c) est nubili etati proxima, nullus consanguineorum aliquando sibi matrimonio potest copulare.

N O T A E.

1. (a) **V**igiliensi.] Ita etiam legitur in prima collectione, sub hoc titul. cap. 7 & post Concilium Lateran. p. 6. cap. 3. & p. 2. cap. 4. In dicta autem collectione additur pars capituli cum sit Romana, ut cognoscamus in praesenti referri partem textus in cap. cum sit Romana, de simonia. Etiam alia pars hujus textus extat in cap. II. de spons. impub. in collect. De Vigiliensi dicens egi in cap. 8. de etate & qualitate.
2. (b) **S**ponsam] De presentantum, exponit Cujac. hic; sed rectius Petrus Gregor. in c. 4. supra, etiam de futuro exponit, propter impedimentum publicae honestatis, de quo egi in dicto cap. 4.
3. (c) **S**i est nubili etati.] In hac sexta collectione legitur, maxime; sed certè abundat, & est Glotsema Alani antiqui compilatoris; cum etiam non sit nubilis etatis sponsa, non possit defuncto sposo ab ejus consanguineo in uxorem duci, cap. 6. de spons. impub. Nec contrarium probatur in verbis relatis; nam in eisponi intendit Alexander III. docere, non aliter ex sponsalibus oriendi impedimentum publicae honestatis cum sponsi consanguincis, quam si sponsa esset nubilis etatis, cum spondebatur; sed sponsam consanguinei non posse consanguineum in uxorem ducere, si nubilis etatis est: nam si non est nubilis etatis, ex alia potissimum ratione eam ducere non valet, videlicet ob etatis defectum: & ita verba relata respiciunt potius matrimonium contrahendum à consanguineo, quam sponsalia celebrata à sposo; quia nihil intereat si sponsalia valuerunt, an esset nubilis etatis, vel non, puella, ut à consanguineo sponsi duci non possit. Quæ interpretatione facile probatur, si textus hic legatur prout jacet in cap. II. de spons. impub. in collect. ubi ita habetur: Si puella infra XII. annum alicui de sponsata fuerit, vel sponsus aliquam infra XIII. annum de sponsavit, antequam ad annos pervenerat matrimonio aptos, à pactione nuptiali recedere, & ad aliud matrimonium convolare non possunt. Sed cum puella ad nubiles annos, & sponsus ad annos aptos matrimonio pervenerit, tunc de pactione illa comprehendenda vel recipienda sunt audiendi; & ad comprehendendum matrimonium ab iis, qui matrimonium juraverant, commonendi. Sponsa autem si nubili etati proxima est, nullus consanguineorum sponsi potest eam sibi matrimonio copulare.

C A P U T IX.

(a) Idem Abbatib. S. Cadmundi, & de Remescia.

EX parte Eminæ mulieris intimatum est auribus nostris, quod Andreas sibi coram sacerdote quodam & diacono, & aliis plerisque, tam clericis, quam laicis ad hoc convocatis juramentum præstítit, quod eam ab eo tempore pro conjugi teneret, & ei sicut uxori fidem servaret: ipsa quoque eidem Andreas juramento præstito promisit se illum pro marito habituram, & fidem ei tanquam proprio viro servaturam. Quo facto in eadem domo diu cohabitantes sibi liberos procreaverunt: procedente vero tempore prænominatus Andreas contra juramentum præstitum prænominatam Eminam & filios ex ea procreatios reliquit, & ab eorum coabitatione recessit. Quia igitur nemini licet uxorem suam sine manifesta causa fornicationis dimittere, & tunc eam sibi reconciliare debet, aut ipsa vivente (b) continere; nec nos sustinere debemus, ut prædictus Andreas juramenti præstiti religionem infringat: d. v. per A. S. p. m. quart. rei veritate diligenter inquisita, si prout superius dictum est, ita esse inveneritis, eundem Andradam inoneatis studiosius, ut suæ saluti consulens, & superinducta, quam habet, prius dimissam, ad uxorem suam redcat, & eam maritali affectione pertractet, & reatum suum condignam satagat poenitentiam expiare. Quod si commonitioni vestrae acquiescere forte noluerit, vos eum, & superinductam omni oc. & ap. rem. excommunicationis vinculo innodetis, & usque ad dignam satisfactionem præcipiatibus ab omnibus sicut excommunicatos cautius evitari.

In Librum IV. Decretalium,

1. (a) **I**dem.] Ita etiam legitur in prima collectio
ne, sub hoc titul. cap. 8. & post Concil Late-
ran. part. 6. cap. 15. non ita, sed *Abbatibus San-
cti Cadmundi & de Ramescia*, legendum esse
jam notavit Cujac. in presenti. De Abbatibus San-
cti Cadmundi egi in cap. Abbas, de his qua vi.
De monasterio de Ramescia egi in cap. 2. de dolo
& contumacia.
2. (b) **C**ontinere.] Quatenus per adulterium dis-
solvatur matrimonium quoad forum, ita ut
non possit innocens vivente adultera aliud inire
conjugium, exposui in Can. 9. Concil. 9. Illi-
ker.

COMMENTARIUM.

3. **C**onsensum legitimè praestitum per verba,
aut legitima signa, desiderari pro forma
matrimonii, supra in cap. 7. probavi: unde con-
fultus fuit Alex. III. in praesenti casu, an cum
vir promisit, seu juravit, se ab eo tempore mu-
lierem aliquam habiturum pro uxore, & tan-
quam uxori suam fidem servaturam, & vicissim
illa promisit eum habituram pro se marito, &
quasi marito suo fidem servaturam, validum
contrahatur matrimonium, ita ut maritus uxo-
rem hac forma ducentam deserent cogendus sit ad
eam redire? Et responderet Alex. III. cogendum
esse ad eam redire, & matrimonium validè, &
efficaciter fuisse celebratum. Dubitandi ratio ex
eo nascebatur, quod verba contractus matrimo-
nii collata in tempus futurum, non inducunt
matrimonium, sed sponsalia de futuro, cap. de il-
lis, 5. cap. si inter 31. hoc titul. sed illa verba, pro
conjuge habiturum, sunt futuri temporis: ergo
consensum de praesenti ad matrimonium neces-
sarium non exprimunt. Sed merito contrarium
decrevit Alex. III. Ut autem huic dubitandi ra-
tioni aliqui satisficiant, affirmant in praesenti
textu ideo per ea verba matrimonium declarari
contractum, quia postea copula sequuta fuit in-
ter sponsos, ut ex integra supra relata constat.
Unde cum sponsalia quantumvis de futuro con-
tracta, copula sequitur transeat in matrimo-
nium, cap. is qui fidem, infra hoc titul. ideo in
praesenti casu, tanquam matrimonio ritè contra-
cto, cogitur maritus redire ad eam uxorem. Ve-
rū licet haec interpretatio sustineri possit, ta-
men cum Raymundus omissserit ea verba, Quo
facto in eadens domo din cohabitantes liberos pro-
creaverunt; satis innuit perdoctus vir, adhuc
ea copula non sequutā, per verba supra relata
- legitimè matrimonium de praesenti contrahi;
siquidem ilis verbis omisssis decisionem trans-
scripsit. Quare dicendum est in praesenti specie
ea verba, ab eo tempore, &c. importare matri-
monium de praesenti, ut recte docuerunt Palu-
danus in 4. distinet. 27. p. 2. art. 4. concl. 4. Covar.
in 4. 2. p. cap. 4. §. 1. Gutierrez canon. qq. cap. 21.
num. 30. Marcus Antonius lib. 5. instit. tit. II. num.
45. Canifius, & Cujacius hic. Nec obstat du-
bitanti ratio supra adducta; nam procedit quan-
do verba collata in futurum respiciunt princi-
pium actus, secus si denotent executionem
actus jam perfecti, ut in praesenti casu; hęc
enim verba, pro conjugi te habeo, denotant execu-
tionem matrimonii; quia non potest mulier
pro conjugi haberi, nisi procedat matrimo-
nium; ac proinde per hujusmodi verba videntur
conjuges de praesenti contraxisse, argumento le-
gis illud 77. de adquir. heredit. cap. præterea 5. de
officio delegat. l. 2. ff. de jurisd. Et quia quidem
non apposuit, videtur praesenti die se obligare,
l. em. qui Calendis ff. de verb. obl. præsensit Glos.
1. hic, & per textum ibi in cap. si quis divinis 30. q.
5. Non tamen ex hoc intellectu bene deducunt
Joannes Andreas, Abbas, & Præpositus hic,
Gutierrez d. cap. 21. num. 7. & alii relati a Covar.
2. p. cap. 4. §. 1. n. 6. quod per hęc verba, non ha-
beo aliam in uxorem nisi te, censetur contractum
matrimonium de praesenti; siquidem repugnat
proprietas verborum de futuro, quę non in-
ducunt consensum de praesenti; & verba hęc,
habeo te in uxorem, non matrimonium, sed
sponsalia de futuro important. Præsens autem
decisio procedit in foro exteriori, in foro ve-
ro conscientiae attendendus est animus ejus,
qui ea verba protulit; an videlicet animus
habuerit statim contrahendi, vel purę, vel
conditionaliter, de futuro, vel de praesenti; quia
in eo foro animus semper attenditur, cap. tua
nos, infra hoc titul. docent Sotus in 4. distinet.
29. question. 2. art. c. 3. Gutierrez ubi supra. Tan-
dem notandum est, quod in foro exteriori ea
verba important sponsalia tantum, si inter
contrahentes actum est de sponsalibus contra-
hendis; quia à contrahentium mente non est
recedendum, dict. cap. tua nos, leg. semper 34.
Digest. dereg. jur. Canifius hic, Covar. sup. nu-
mer. 4. Gutierrez numer. 18. qui idem resolu-
vunt, quando ex consuetudine regionis spon-
salia hic sępe contrahi solent: Marcus Anto-
nius supra, qui monet parochos, ut hujus-
modi verba obscura non admittant, sed com-
pellant contrahentes exprefscere, explicitaque
consentire.

CAPUT X.

Idem (a) Pictaviensi Episcopo.

Ex literis ven. fratris nostri (b) Salvon. Episcopi accepimus, quodcum duo nobiles
Eviri sui Episcopatus W. S. de Mostrand, & B. de Mauritania, filios & filias impabe-
scentes haberent, & spe pacis inter eos conciliandę ita inter se convenerint, quod
filios & filias mutuis ad invicem matrimonii sociarent, & hoc tam patres, quam si-
lii sub juramento se facturos (c) promiserint, inter quos G. prædicti B. consentiente
patre, semul & iterum accipere in uxorem juravit: cumque ipso volente ad alia
vota